



Shpërthime në veri, dyshohen të jenë shok-bomba



20/12/2022 22:34



Në Mitrovicë të Veriut mbrëmjen e 20 dhjetorit kanë ndodhur dy shpërthime, që dyshohet të jenë shkaktuar nga hedhja e shok bombave.

Sipas Policisë, njësitet patrulluese policore kanë raportuar se shpërthimet kanë ndodhur rreth orës 20:45 dhe 21:20 në Lagjen e Boshnjakëve dhe te Tre Rrokaqiejt.

“Bazuar në informacionet e deritanishme nuk është raportuar për ndonjë lëndim apo dëm material”, thanë nga zyra për informim e Policisë së Kosovës.

Që nga fillimi i dhjetorit, në veriun e Kosovës, të banuar me shumicë serbe janë regjistruar disa incidente me armë zjarri, granata dore dhe shok bomba.

Më 10 dhjetor, disa serbë lokalë ngritën barrikada në rrugët që çojnë drejt pikëkalimeve kufitare mes Kosovës dhe Serbisë: Jarinjë dhe Bërnjak.

Ngritja e barrikadave u bë në shenjë pakënaqësie me arrestimin e një ish-polici të Kosovës.

Dejan Pantiq, sipas autoriteteve në Kosovë, dyshohet se ka organizuar “sulmin terrorist” të 6 dhjetorit ndaj zyrave të Komisionit Qendror të Zgjedhjeve në veri të shtetit.

Kosova ka rritur prezencën e policisë në veriun e banuar me shumicë serbe, ndërkaq për shkak të barrikadave, janë mbyllur pikëkalimet kufitare në Jarinjë dhe Bërnjak.

Aktualisht, sipas autoriteteve, në veri janë ngritur nëntë barrikada.

Artikuj të ngjashëm



December 21, 2022

Policia jep detaje për vetëvrasjen e 37 vjeçarit në Kaçanik



December 21, 2022

Arrestohet një person i dyshuar për sulm seksual në Ferizaj



December 21, 2022

Ishin të parkuar në Glllogoc, gjashtë të shtëna me armë zjarri...



December 21, 2022

Shkoi për t'u mjekuar, qytetarja në Lipjan ofendohet nga mjeku kujdestar



December 21, 2022

Mungesa e deputetëve e pamundëson shqyrtimin e Projektligjit për Pagat në...



December 21, 2022

Deputetja Musliu e quan Kurtin “psikopat, rrenc e mashtgues”

LAJME TË FUNDIT




Policia jep detaje për vetëvrasjen e 37 vjeçarit në Kaçanik



Arrestohet një person i dyshuar për sulm seksual në Ferizaj



Ishin të parkuar në Glllogoc, gjashtë të shtëna...



Bayern Munich interesohet për Emiliano Martinez